

ԳԱՐԵԳԻՆ Ա ԿԱԹՈՂԻԿՈՍԻ ԳԱՀԱԿԱԼՈՒԹՅԱՆ

ԵՐՐՈՐԴ ՏԱՐԵԴԱՐՁԸ

ՄԱՅՐ ԱԹՈՒ ՍԲ. ԷԶՄԻԱԾՆՈՒՄ

Կիրակի, ապրիլի 5-ին, Մայր Աթոռ Սբ. Էջմիածնում նշվեց Նորին Սուրբ Օծություն Տ.Տ. Գարեգին Ա Ամենայն Հայոց Կաթողիկոսի գահակալության երրորդ տարեդարձը:

Հընթացս Սբ. Պատարագի Ամենայն Հայոց Կաթողիկոսի գահակալության երեք տարիների գործունեությանն անդրադարձավ Մայր Աթոռի դիվանապետ Տ. Ներսես արք. Պողապալյանը:

Այսպիսով՝ Մայր Տաճարի Սբ. Խորանին Հայաստանի թեմակալ առաջնորդների և եպիսկոպոսաց դասի մասնակցությամբ կատարվեց հայրապետական գոհաբանական աղոթք:

Պատարագին ներկա էին թեմակալ առաջնորդներ, Մայր Աթոռի միաբանության, Գերագույն Հոգևոր Խորհրդի, Ճարտարապետական հանձնաժողովի անդամներ, Հայաստանի Հանրապետության Կրոնի գործերի պետական խորհրդի նախագահ Լազար Սուլջյանը, ինչպես նաև Մեծի Տանն Կիլիկիո կաթողիկոսության ներկայացուցիչներ, որոնք Հայաստան են ժամանել մասնակցելու Հայաստանի Հանրապետության նորընտիր նախագահի երդման արարողությանը:

Հավարտ Սբ. Պատարագի Վեհարանում տեղի ունեցավ ճաշկերույթ: Ամենայն Հայոց Կաթողիկոսին բարեմաղթանքի ու գնահատանքի խոսք ուղղեցին Մայր Տաճարի լուսարարապետ Տ. Հուսիկ արք. Սանթրույանը, Տ. Ներսես արք. Պողապալյանը, Կենտրոնական Եվրոպայի Հայրապետական պատվիրակ Տ. Մեսրոպ արք. Գրիգորյանը, Վրաստանի թեմի առաջնորդ Տ. Գևորգ արք. Սերայդարյանը, Արարատյան Հայրապետական թեմի առաջնորդական փոխանորդ Տ. Գարեգին արք. Ներսիսյանը, Շիրակի թեմի Առաջնորդական փոխանորդ Տ. Փառեն ծ. վրդ. Ավետիքյանը, Գուգարաց թեմի առաջնորդ Տ. Սեպուհ եպս. Չուլջյանը, Կիլիկիո Աթոռի ներկայացուցիչներ Տ. Սուրեն արք. Գաթարոյանը և Ոսկեբերան Արզումանյանը, Մայր Աթոռ Սբ. Էջմիածնում Անգլիկան Եկեղեցու ներկայացուցիչ հայր Ֆիլիպը և այլ հրավիրյալներ:

ՄԱՄԼՈ ԴԻՎԱՆ ՄԱՅՐ ԱԹՈՒ